

黃鵠山志

卷九



黃鵠山志卷九目錄

藝文 古今體詩

黃鶴樓

國朝 四十八人

劉宗賢 一首

桑調元 四首

張映辰 四首

沈德潛 一首

袁枚 二首

孫良貴 五首

陳柑 一首

譚尚忠 四首

陳淮 一首

慶玉 一首

黃鵠山志 卷九

目錄

舒才博 一首

王文治 一首

趙翼 一首

李義賢 一首

姚鼐 一首

何人鶴 一首

蔣業晉 二首

伍秉鏞 一首

鄧石如 二首

張九鉞 三首

龔大萬 一首

童楷 一首

鄒緜 一首

周錫溥 二首

舒正載 二首

舒正增 七首

張九鐔 二首

李鼎元 一首

退補齋藏板



吳省欽 二首

吳炯 一首

潘國祚 一首

劉鳳誥 一首

葉廷芳 一首

洪亮吉 一首

周系英 三首

王守正 一首

張克謀 一首

釋覺慧 二首

龔立海 一首

姚學埭 一首

宋湘 一首

吳榮光 一首

陶澍 二首

張履信 三首

蔡復午 一首

王慶麟 一首

黃鵠山志 卷九

目錄

周泗 一首

閩媛 鍾令嘉 一首

退補齋藏板

黃鶴山志卷九

永康胡鳳丹月樵編纂

藝文 古今體詩

國朝

劉宗賢

字次頤江夏人雍正丙午舉人庚戌進士官四川榮縣知縣國子監博士

九日偕崔拙圃李蒼巖登黃鶴樓

勝地秋光滿良辰雅饌開仙風瑩橘柚江氣麗樓臺花

綻新醅動松青老鶴迴達生多妙理何用避桓爓

羽觀凌霄漢颺臺次水門江空虹欲飲風靜雁無言瘦

菊真如我秋雲可細論漫持陶令盞攜手探靈根

江夏志

黃鶴山志

卷九

藝文

一

退補齋藏板

國朝 桑調元 見卷七

黃鶴樓

黃鶴飄飄不可留凌虛長嘯此登樓禰衡文字真爲累

陶侃功名亦是浮帆影帶回湖口月笛聲催散漢陽秋

扶筇獨往平生願是處江山作勝游

衡山集

浩歌行夜登黃鶴樓作

客言漢江宵景好鼓勇復登黃鶴樓重雲如墨蔽皓魄

對岸燈火明星稠遙知管絃市樓沸吳商蜀估傳觥籌

大別山頭雜樹暗夕嵐暝漲寒悠悠江光一溜白混濶

漁榔已息聞清謳仙人乘鶴去不返三層危構馮虛浮
羽流對客把玉笛崩雲逸響鳴高秋橫空靄靄倏鮮駮
吹開白月懸當頭卻看水天色飛動螯龍吐珠光不收
恍惚煙中漢女出微步縹緲凌波游洞庭瀟湘一氣接
驚寒遠去鴻聲迢八十八窗大開闢空明如在蓬萊洲
我爲浩唱元雲曲飄飄短袂攜浮卬南城咫尺庾公榻
亦有人舒清嘯不凭高四顧有餘興還思鄂渚移扁舟
同上

黃鶴樓疊昨題浩歌行韻

黃鶴山志

卷九

藝文

二

退補齋
藏板

武昌柳迳重來客輟棹起登磯上樓江天空闊豁曙色
霞暎倒影朱氛稠天公景物多變幻兩重新綺爭頭籌
叢桂初含秋氣爽流萍習口川涂悠洞庭彭蠡此吞吐
快意不作商聲謳白波如山大激蕩塵心滌盡浮名浮
去年高踞祝融頂圓帆直下瀟湘秋逆溯襄河鼓今棹
一筇拄到恆山頭南北山川萬餘里煙嵐盡向囊中收
豪興由來喜獨往盧敖若士甯同游百年乘化任歸盡
冥搜未覺流光遁一日可當一百日此閒本是神仙洲
尋恆誰識羽衣過笙鶴下自崑崙邱後來登臨萬萬輩

亦話五嶽詩人不三層檻上重吟拍道遙眇比坳堂舟
恆山集

黃鶴樓

飄飄黃鶴去樓勢鬱巉巖欄楯凌清旭階基蝨白城高
城跨巖岫遠岸列松杉煙艇商歌杳塵闌楚語誦沔陽
流水滙夏口夕陽銜世代俄成古仙踪迴隔凡柳條寒
盡禿棗實吏空饒絳節胎禽駕黃庭內景函遙遺漢皋
佩疾下洞庭帆亭湧團圍月波澄上下巖狂吟聊自適
縱酒不勞監解渴邀桑苧當風擘阮咸青瞳雙炯炯白
黃鶴山志

卷九

藝文

三

退補齋藏板

髮亂髟髟翠石摩挲滑無須姓氏劖

同上

國朝張映辰

字星指號藻川錢唐人雍正癸丑進士官至兵部右侍郎歷典楚豫陝甘學政著有露香

書屋遺集

遊黃鶴樓

適大中丞崔公招飲卽席賦呈四章兼以誌別并呈制府德濟齋先生學使開

敬菴前輩

黃鶴樓前俯大荒憑闌一望迴蒼蒼萬家煙井沿江渚
百戰山河付夕陽唱晚漁舟藏葦荻排空雁字去瀟湘
我來恰值清秋候木落天高露氣涼
方城漢水見雄深極目滔滔互古今三楚人材多磊落

九秋煙景記登臨西風簾捲花應瘦東閣筵開酒共斟
一曲繞梁音未斷隔江嵐翠護遙岑

喜逢賢主媿嘉賓授館傳餐意倍親塵尾頻揮珠滿座
黃房試插酒沾巾輕裘緩帶推羊叔雅詠投壺有祭遵
南國從來多聖化一時民氣總如春

星言乘傳到雄封沅芷湘蘭勝地逢傑閣千尋喧鳥雀
長波萬里見魚龍清秋風月元無價高會江山孰繼蹤
不是登臨歸思切簡書堪畏少從容

本集

國朝沈德潛字確士號歸愚長洲人乾隆丙辰薦舉博學鴻詞已未成進士官至禮部侍郎加尚書銜

黃鶴山志

卷九

藝文

四

退補齋藏板

贈太子太師諡文
愨著有歸愚集

黃鶴樓

鶴去樓空事渺茫楚雲漠漠樹蒼蒼月隄酒酌三杯曉
江水清流萬古長不遇謫仙吹玉笛曾聞狂客坐胡牀
登臨此地懷京國也似金臺望故鄉

本集

國朝袁枚

枚

字子才號簡齋錢唐人乾隆丙辰薦試博學鴻詞已未進士官江南江甯知縣卒年八十二著有小倉山房詩集

黃鶴樓

萬里青天月三更黃鶴樓湘簾才手捲漢水拍天流山

影如爭渡漁歌半入秋深宵無鐵笛空自泊孤舟

本集

黃鶴樓看雪

漢水茫茫搖白浪一樓高踞浪花上相傳黃鶴此間飛
至今猶畫仙人像仙人一來不再來我竟兩次騰麻鞋
更值天公張玉戲雪花片片飛瑤臺鸚鵡洲漢陽樹遠
望迷離一疋布妙手描成白澤圖長江化作銀河渡卅
年看雪俱在家今年看雪天之涯達人行樂足向神仙
夸可奈想殺小倉山裏千梅花長揖與仙約借我黃仙
鶴騎上鶴髮翁鶴翅休穩趁此高樓西北風送我連

黃鶴山志

卷九

藝文

五

退補齋藏板

夜還山中一天明月一枝笛踏破瓊瑤萬萬重

本集

國朝

孫良貴

字隣初號麓門善化人乾隆己未進士歷官常德府教授甘肅安化縣知縣著有麓門文

續墨樵詩鈔

黃鶴樓雜感

寥落中原大旆寒幾人拔戟可登壇續騷自古歸鄉澤
操律何人笑楚冠北地虬蜉空撼樹虞山蕭艾久充蘭
橫流滄海知何極直下澄清江漢瀾

自注袁小修云北地出西涯之門而

操戈又牧翁列朝詩選多可指駁故有五六語

迴看九澤接峻嶒題徧江樓十二層牛首山前虛夜月

龍蟠關外踏寒冰

自注杜茶村黃景虞俱寄居金陵虎踞關外

百年心事遠

王粲

王一翥子雲

一代龍門謨李膺

李以篤雲田

黃鶴不教故國

返亂鴉無數侶秋鷹

郎官湖上白雲閒西望秦山阻七盤北海幽人空種樹

南樓老子健加餐誰吹羌笛愁如沸自握冰桃實似丹

菊井蒼顏渾見慣伽山鐵嶺聽初闌

自注樓下有百四十三老人湯雲山

言勝國熊賀諸公事媿媿鑿鑿令人雪涕

馮郎曾不負科名幻入金光夙世情

自注雜志載京為金光洞主

長

劍秋風馳素志

自注京未遇題詩樓上云韓信樓遲項羽窮手提長劍喝秋風

澶淵孤

黃鶴山志

卷九

藝文

六

退補齋藏板

注恥前盟英雄自古憑推轂儒雅於今孰請纓盡掃白

雲西極落蒼蒼鬱鬱拱神京

荆門九塞控三巴蜀棧秦盤詎足誇如此江山雄地肺

況來郢雪豔天葩百年已盡嘯鵑憾萬里齊開麗日華

莫倚桂珠同土價側聞盱食望謀嘉

沅湘耆舊集

國朝

陳

枏 字東麓號沓齋仁和人乾隆戊辰一甲第二

名進士官編修按輶軒錄錢唐人上虞籍題名碑錄及府志皆不云上虞籍或是上虞人仁和籍俟考

登黃鶴樓

獨上危梯倚絕巔遙臨大別對晴川兩崖煙火樓臺外

萬里雲嵐几席前粉壁尋碑詩尚在羽衣吹笛跡空傳

江山俯仰成今古目送斜暉意惘然 杭郡詩續集

譚尚忠 字誨亭一字蒼亭號古愚南豐人乾隆辛未進士官吏部左侍郎著有劔芳齋詩集

登黃鶴樓

浣塵初下漢陽舟挺立江山是此樓仙笛已隨黃鶴去
晴川猶湧白雲流炊煙萬戶看無際滯穗千畦喜有秋
南望瀟湘凝紫氣妖氛會見一時收

曾聞此地曳仙裾五十年來縱目初頓覺此身能遠俗
幾忘高閣是凌虛蕭山九日馨叢桂鄂渚三秋足膾魚

黃鵠山志 卷九 藝文 七 退補齋藏板

名勝忝陪高會後黃花肯放酒杯疏

高樓俯瞰景無邊但得登臨便是仙一帶疏林明遠水

半規斜日滿前川漢陽城外舟如屋鸚鵡洲中草似煙

遙指鄉關二千里碧雲無盡暮江天

雲移西日注波紅野闊天垂眼倍空雙節來朝仍向北

大江終古自流東長天濶迴橫孤雁遠岸分明間晚楓

重憶瓊樓寒更早授衣應已進齣風 蘭言二集

陳 字望之商邱人乾隆癸酉拔貢累官湖北布政使擢江西巡撫

月夜登黃鶴樓

丹樓天外峙皓月空中行銀濤與玉魄相迸出光明樹
暗漢陽渡雲低鄂渚城不知何處笛解作落梅聲隨園詩話

國朝慶 玉 字兩峯滿州人乾隆丙子舉人累官布政使著有錦繡段詩集

抵武昌

吳楚山川百戰場太平風景易巖疆連天草色迷鸚鵡
隔水煙光辨漢陽鄂渚秋高風浙瀝庾樓人散月蒼涼

閒情弔古休惆悵幾見雲中駕鶴翔熙朝雅頌集

國朝舒才博 字遜文號約齋溆浦人乾隆丁酉選拔朝考第一授湘鄉縣教諭兩任襄陽府教授著

有信手拈詩文集

黃鶴山志 卷九

藝文

八

退補齋藏板

黃鶴樓春望

春城扶杖任逍遙鵠立危樓眼界超太岳即太和山連雲屏

北極長江入海帶南條風同皇世人煙靜日麗中天物

色饒龜息蛇蟠鸚鵡伏儼乘黃鶴上青霄本集

國朝王文治 字禹卿號夢樓丹徒人乾隆庚辰進士殿試第三人及第官翰林院侍讀出為臨安府知府著有

夢樓詩草

冬日登黃鶴樓次素溪韻

岷峨東下勢平臨萬里風煙此暢襟雲去人間成往古
江流天塹到如今亂山積雪寒森玉疏樹迴晴遠漏金

獨向飛樓高處立還疑仙笛有遺音本集

國朝趙翼字雲崧一字耘崧號歐北陽湖人乾隆辛巳殿試第三人及第官貴西兵備道著

有歐北集

題黃鶴樓十六韻

傑構依天塹登臨氣象千危磯黃鶴浦重鎮赤烏年勢
控荆襄下兵從晉宋前舟車當四達海寓扼中權勝槩
斯稱最名區久未湮樓真千尺迴地以一詩傳百級旋
螺上重簷亂鼠穿憑欄俯斜日挂檻豎長川遠挹庾樓
月高凌郢樹煙江吞沔口闔城對漢陽堅估舶如浮鴨
黃鶴山志藝文九藏板補齋

漁槎有縮鰮陸放翁入蜀記遇武昌買得縮頂鰮重十斤洲猶芳草色笛正

落梅天事往皆成古吾來倘遇仙鴻泥留笠屐鯨浪少

戈鋌燈火沿流滿魚鹽入市闐翻疑騎鶴客多半在腰

纏本集

國朝李義賢字芝庭江都人熟於唐人詩集著有秀谷集

題黃鶴樓集唐人句

江邊黃鶴古時樓白居易崔顥題詩在上頭李白雲靜獨看

秦塞雁上儀日高遙望洞庭舟趙岸南岸北往來渡崔

烟淡烟濃遠近秋杜光庭行子不須愁夜泊武元碧山重

疊水長流

孟賓子。淮海英靈集

國朝姚

鼎

字姬傳號惜抱桐城人乾隆癸未進士官刑部郎中著有惜抱軒集

登黃鶴樓次補山韻

夷陵西望巴山連大江出空如墮懸奔流一抹蹙滄海
大別黃鵠橫障天導江至此一夾束潑澗衣帶高樓前
憶昔赤烏始築邑馮軒雷鼓空江填此間開勢自明遠
釣臺樊口誰能賢一朝金雁瘞吳郡何殊總帳臨漳川
高樓千載幾興復傳芭士女徒哀憐因山命名義自當
俗說詎可丹青傳虞翻地下應大笑孰逢黃鶴騎飛仙

黃鵠山志

卷九

藝文

十

退補齋藏板

我聞譙郡戴仲若往往野服從斂斂仙人毋乃卽此是
惜哉林壑空蒼煙農部腹中有武庫瘴鄉幕府嘗周旋
采入深穴縛虎子欲效左手如羊牽正當千里縱黃鵠
豈將一渚從棲鳶嗟余年往道亦廢顧思暇豫偷安便
陪君欲鼓瀟湘柁湖南未到秋雲邊漢口暮見樓雉影
江風曉踏蛟龍涎晴空子才上反宇天幕澹澹垂重淵
無心坐見白雲滅屹立惟有蒼山堅人間萬事不須說
跂足當樓聊醉眠

本集

國朝

何人鶴

字鳴九號雪浦綿州人乾隆時諸生著有臺山詩集

黃鶴樓

黃鶴樓頭望故鄉，東川門戶接荆湘。苗民那敢窺巫峽，

教匪訛聞近武昌。制府雅歌揮羽扇，督臣畢沅統兵將

軍談笑埽欃槍。福大將軍征苗天家委任勳名重，莫待秋風冷

戰場。本集

蔣業晉字紹初，號立厓，長洲人。乾隆丙子舉人，丙戌揀發湖北知縣，擢同知，著有立厓詩鈔。

登黃鶴樓

飛樓控天險，百尺聳江上。鈴語半空聞，鵠舉層霄狀。四

面開窗櫺，諸天現色相。我來一再登，極目神忽旺。檻外

黃鶴山志 卷九

藝文

十一

退補齋藏板

仰奔雲足底，踏駭浪萬瓦。城闌列千檣，沙渚傍晴川。犄

角勢相雄，不相讓。萋萋鸚鵡洲，弔古增悽愴。是時夕照

沈煙波，互迴盪。馮夷儼欲出，湘妃宛在望。作氣吞全楚，

憑欄浩歌放。題詩憶李白，乘興追庾亮。敢云曠士懷，對

景抒雅尚。仙踪殊渺茫，江形實保障。盤桓皓魄升，隔浦

起漁唱。本集

和曹雲瀾登黃鶴樓原韻

春深佳氣鬱，層城縹緲飛。樓接上京黃，鶴不來空弔古。

白雲猶在迥，含情難從夢。境尋仙境怕，聽濤聲挾雨聲。

我倚丹梯閱塵界江天斜照倍分明同上

伍秉鏞號東坪南海人官湖南岳常澧道著有淵雲墨妙山房詩鈔

登黃鶴樓

一聲玉笛起龍湫吹徹江天韻欲浮仙馭偶停猶昨日

鵠磯雄峙倏千秋瞰當逝水朝西北氣已淩空接斗牛

極目征帆過萬點好風時帶片雲流本集

鄧石如字頑白皖江人

登黃鶴樓

江邊傑立此名樓乘興東來豁醉眸三峽波濤天半落

黃鵠山志卷九

藝文

十一

退補齋藏板

九疑雲物望中浮晴川白颺梅花水芳樹青圍杜若洲

正是青陽好風日鶯花無際楚江頭蘭言集

和畢秋帆制府黃鶴樓詩

磯邊鵠去薜蒼蒼磯上飛樓金碧光丹磴迹留仙費老

滄流績仰夏先王寰中歲月濤頭白檻外風沙鶴背黃

玉笛一聲江漢曉平頒春色遍遐荒同上

國朝張九鉞見卷七

蔡芷衫邀登黃鶴樓同楊永思彭思贊兩世講

古今浩浩一元氣樓上司勳偶得之寒日照人老又上

白雲待子來何疑放歌楚國江山大送客揚州雨雪遲
爲語同遊少年者有才鸚鵡莫題辭

國朝正雅集

大雪獨登黃鶴樓作短歌

風雄雄雪冥冥岷江駭浪流洞庭漢水大別隨東征黃
鶴不可騎鐵笛不可聽左不見鸚鵡之洲右不見卻月
之城樓蒼茫雪縱橫李白一去三千齡誰能當此江山
兮有酒吾欲與之同傾

同上

黃鶴樓笛

江清霜白塞無邊山湧高樓笛倚天更有秋聲傳別調

黃鶴山志

卷九

藝文

十三

退補齋藏板

不知遷客繫孤船西風黃鶴心千里明月梅花夢幾年

莫使蛟龍愁入破英雄末路是神仙

同上

國朝

龔大萬

字體六號荻浦武陵人乾隆辛卯進士改庶
吉士授檢討充武英殿國史館纂修典試

廣東大考休致純廟東巡召試行在
授中書補內閣典籍假歸不復出有賜扇樓

草再游
粵西草

和畢秋帆制軍登黃鶴樓原韻

仙客何年去碧蒼樓高莽蕩接曦光荆襄直控三巴國
江漢爭趨百谷王萬戶曉煙孤岫白一川晴樹野雲黃
登臨不盡千秋感鸚鵡洲前草自荒

沅湘耆舊集

國朝 童 堦 字巨川號鹿巷錢唐諸生著有鹿巷吟藁

訪友楚中不遇問渡黃鶴樓還里

高標負郭枕洪流共說仙人在上頭兩月關津初問渡
一天風雨未登樓懷中刺滅禰衡字江畔春寒季子裘
回望斷雲煙樹外擁書空作漢南游 本集

國朝 鄒 紉 字雲芬新化人乾隆戊子舉人繁昌知縣著有惜餘齋小草

黃鶴樓

城上層樓聳碧空迢迢直起五雲中地為全楚江山助
人望遠天星斗通斷岸西來春漲綠連檣東下夕波紅
黃鵠山志 卷九 藝文 十四 退補齋藏板

憑欄無限登高意可奈煙霞到眼窮 本集

國朝 周錫溥 字麓樵號半帆湘陰人乾隆乙未進士官甘肅甯朔縣知縣著有安愚齋詩文集

登黃鶴樓

雲篆丹爐劫火沈尚餘樓閣此憑臨乾坤漭漭浮江漢
城郭纍纍閱古今幾處布帆催曉發四山涼雨作秋深
嗟余家住清湘浦只隔湖雲一片陰 沅湘耆舊集

黃鶴樓小飲至暮

青梅作弄晚鴻前碧玉枝輕手帶煙水闕荆吳供遠眺
夜寒星斗入高眠同渠一醉樽中酒從此忘機地上仙

且欲扣舷江北路風清月朗不論錢

同上

國朝

舒正載

字伯厚號酉樵溆浦人乾隆丁酉選拔任湖北荆門州州判歷雲夢漢陽武昌潛江知縣

著有竹根齋詩文集

重陽和友人九日同登黃鶴樓之句二首

九日同登黃鶴樓樓高百尺俯江流此鄉此會頻爲客
無酒無花不稱秋鄂渚斜陽芳草暮楚天終古白雲浮
延齡何處覓仙棗短髮羞聽玉笛謳

九日同登黃鶴樓崔生詞氣倒江流如斯風景如斯客
幾度黃花幾度秋芳草欲隨寒露歇遠煙長共暮山浮

黃鶴山志

卷九

藝文

十五

退補齋藏板

分題怕值雍邱尉寫新詩作舊謳

本集

國朝

舒正增

字仲華號碧樵溆浦人廩貢生肄業成均選授綏甯縣訓導著有松心書屋文鈔夏柯堂

詩集

小憇黃鶴樓偶成三十韻

麗景江城市危樓鄂國濱天空開眼界地迴滌心塵蛇
蛻盤何穩龜棲息自勻諒哉元武境悲矣老聃身徙倚
凌雲檻低徊駕鶴賓從花裏出師本世間因木母還
宗子黃婆締好姻五千尋妙候三十覓芳辰順逆交離
坎迴環制汞銀靜參元牝竅廣挹洞庭春德孕方成果

功高乃飲醇斷壺儲密祕長劍斬貪噴百種潛降伏纖
芽漸引伸珠探三昧得壁面九年純大道歡登岸羣生
好問津逍遙甯自了紛鶩更誰親看到滄桑屢遊經楚
漢頻行行騰兩屨去去控雙輪憶昔嘗搜異猗予亦邁
倫訣從私淑得書足累編陳鑰發盧兼呂筌忘費與荀
耐將求鼎器翻自敝精神豈曰儒林誚非云世路迤理
原爭造物機實闕蒼旻幸也踰顏短蕭然守憲貧形骸
虛戊己踪跡坦庚申曉露濡顛顛高風落醉巾朱顏歡
且駐紫綬盼將新借枕情知厚炊梁夢亦真莫將羌笛
黃鵠山志

卷九

藝文

十六

退補齋藏板

引吹醒武昌人

本集

九日黃鶴樓獨眺

白雲樓外大江天獨立嗟峨思悄然風雨不來晴浦樹
帆檣時繞鄂州烟難將醒眼逢開口空賦新詩憶昔賢
嘹唳霜鴻何日到洞庭木葉自翩翩

本集

望黃鶴樓進沌口

鶴渚經年別招搖咫尺間迴舟三十里不下鸚鵡灣

本集

畫鄂州城

鶴去蛇盤雉堞高江天風物上秋毫縱橫闐闐千櫓瓦

縹緲煙波萬里艘仙客重來雲渺渺英雄一去浪滔滔
記得頻年鴻爪迹晴川閣下泝襄皋

本集

武昌城黃鶴樓上觀上元放燈

遊人徹夜踏江天錦樣燈光照眼前火樹齊開春不覺
銀花乍放月初圓奔騰白澤喧金鼓隱起青龍簇管絃
定是金吾歡弛禁頻調玉燭兆豐年

萬里清光夜色開江城市語晚潮回沿街戶列星三五
繞巷人隨月去來斗極鰲瞻銀作甲雲邊鳳集玉爲臺
歸時記得經行處滴滴金錢點翠苔

本集

黃鵠山志

卷九

藝文

十七

退補齋藏板

黃鶴樓

百尺高樓黃鵠磯神仙常在鶴常歸遊行日到人間世
爭奈紅塵遇者稀

本集

國朝

張九鐔

字竹南號蓉湖湘潭人乾隆戊戌進士改庶吉士授編修著有笙雅堂集

江上望黃鶴樓漢口諸勝懷古一章上唐中丞

大江從岷峨千里來奔馳其東合九江漢水南注之會
於大別山眾派共一支偉哉神禹力底定天南陞滌漾
積元氣萬頃青玻璃迢迢西樓上影落寒江湄臨風輒
引去坐與三山期黃鶴一高舉仙侶知爲誰下視郡邑

浮雲樹何離披荆楚峙城郭吳魏陳旌旗羣雄昔割據
蠻楚徒爾爲我來埽陳跡愧乏瓊琚詞周文化南國此
地最先施喬木蔭千年遊女安可思中興逮宣王名虎
帥其師經營武功成餘烈垂蠻夷異代有同軌上開明
堂基英靈耀日月波濤淨神祇方舟聊擊楫欲濟懷明
時願以繼風雅作爲江漢詩 本集

夜泊漢上望黃鶴樓

又是城頭黃鶴磯年來去任忍相違醉中不記江南別
夢裏何曾冀北歸紅葉夕陽波欲下青霜斜月雁還飛

黃鶴山志

卷九

藝文

十一

退補齋藏板

洞庭雲水方千里一上高樓詠翠微

同上

騷

李鼎元

字和叔一字味堂號墨莊綿州人乾隆戊戌進士由翰林改中書官至宗人府主事著有師竹齋集

雨霽登黃鶴樓

黃鶴孤樓壓渚宮滿城煙景接長空無邊楚色瀟瀟雨
不斷江聲浩浩風鸚鵡洲連春草綠鳳凰山帶夕陽紅
白雲靄靄仙人去萬古愁銷一笛中 本集

騷

吳省欽

見卷六

黃鶴樓

南紀滔滔極望恢樊山鄂渚境全開白雲客見樓興廢
丹路人騎鶴去來三峽風濤浮露檻兩城煙樹入春杯
樓空鶴去非佳句心折青蓮賞別裁

豁達雲衢逼太清楚天無際八窗明招搖翠被孤舟影

縹緲梅花一笛聲烏鵲南飛初月上大江東去晚潮生

雄風易散仙蹤杳萬里空餘濯足清

白華前稿

國朝吳炯字秋陽自號睡庵武陵人著有古香園詩草

黃鶴樓

黃鶴樓頭秋日陰客中扶病強登臨東南野色分吳楚

黃鵠山志

卷九

藝文

十九

退補齋藏板

江漢濤聲自古今澤國秋高紅葉少鄉關天遠白雲深

仙人玉笛無消息但聽蕭蕭萬戶砧

本集

國朝潘國祚字東柳上虞人隨兄永祚僑居江夏以嘉魚籍貢太學工書法詩文著有東柳全集

黃鶴樓

飛棟岿峩迴不羣危巒依舊倚斜曛誰能畫壁招黃鶴

我欲乘風問白雲夾岸樓臺芳樹盡萬家煙火一江分

向人莫話滄桑事笛裏梅花可贈君

江夏志

國朝劉鳳誥字金門萍鄉人乾隆己酉進士官至吏部侍郎著有存悔齋集

登黃鶴樓

東下萬里水此山橫一樓岷峨大江塹漢沔古時州仙
者已黃鶴野人空白鷗吾能攜鐵笛吹破四天秋

本集

國朝葉廷芳見卷七

同友人登黃鶴樓

當年曾訪晴川樹此日才登黃鶴樓玉笛不聞江水靜
白雲常繞鄂城秋辛家有酒泉空在呂老無心跡尚留
我亦鳳凰臺上客萍蹤四海漫遨遊

花餘亭詩存

國朝

洪亮吉

字君直一字稚存號北江陽湖人乾隆庚戌進士殿試第二人及第官翰林院編修著

有鮒鮒軒菴苑閣更生齋等集

黃鵠山志

卷九

藝文

二十

退補齋藏板

月夜登黃鶴樓憶尙書師荊州

上城已有角聲催
曉黑窗櫺信手開
十月魚龍先入定
三更烏鵲自飛來
巴人路向雲邊出
楚國天從溢口開
誰敞庾公樓畔月
不勝清興待銜杯

鮒鮒軒集

國朝

周系英

字孟才號石芳湘潭人乾隆庚戌進士改庶吉士授編修官至戶部右侍郎

丙子十二月二十八日大雪登黃鶴樓簡筠圃中

丞及鼎圃學使

老夫乘興劇清狂
獨上危樓凍欲僵
放眼重教開境界
此身真覺立蒼茫
落梅風細飛仍急
爆竹聲多溼不妨

且喜連雲饒宿麥江流漫把客愁量

款關驚起道童眠自注是日游人絕跡叩門良久始得入狂客真成謝俗

緣何處淺斟歌對酒幾家高卧突無煙當年鶴駕憑誰

問此日鴻泥只自憐莫漫倚欄頻嘯詠恐人傳說是神

仙

龍公手熟倍精神自注今年第三雪矣一色迷漫望不真界畫屋

山開粉本堆成巖壑失鱗皴兩京賦就應霏雪自注謂筠圃中

八詠才高正賞春自注謂鼎甫學使可惜良辰都不管憑教

白戰屬羈人沅湘耆舊集

黃鵠山志 卷九 藝文 三 退補齋藏板

王守正字繩齋江夏人廩貢生沔陽訓導

黃鶴樓玩月歌

黃鵠山頭高碑矧黃鶴樓頭尤峭崿樓頭秋夜寂不喧

碧空高掛一輪月乘興來遊靜領之皎如水鏡懸貝闕

旁無浮雲三五點中有桂花影突兀月白晴煙橫大江

月明山壁森見骨江月白兮漁火青山月明兮鵲聲發

倚欄惟有清風生當年長笛吹已歇興酣搖筆飲且歌

凌虛一嘯神仙窟江夏志

張克謀字松山華容人監生著有僅可齋詩鈔

登黃鶴樓

木落滿天秋，秋高黃鶴樓。白雲飛不盡，日暮大江流。本集

國朝釋覺慧字滌塵別號湘嵐湘潭呂氏子有茸香詩草五卷

登黃鶴樓

黃鶴不可見，白雲空自悠。欲吞江漢水，直洗古今愁。落

日關山遠，西風鴻雁秋。憑闌懷往事，吟罷幾回頭。沅湘

耆舊集

黃鶴樓

白雲尚賸當年蹟，黃鶴猶名此日樓。不信神仙歸渺渺，

黃鵠山志

卷九

藝文

三

退補齋藏板

本來江漢自悠悠，晴川楓葉霜千樹。鄂渚蒹蘆花雪一洲，

千古英雄千古憾，幾回憑眺幾回愁。同上

國朝龔立海字柱君號雲濤巴陵人貢生著有垂雲山房詩集

黃鶴樓

撫劍忽不懌，正雅集作來登黃鶴樓。文章公等在今古，

大江流戰地，餘荒壘雄關。扼上游，西風楊柳盡愁見。武

昌秋同上

國朝郭祖翼字芑泉善化人廩生著有雨福山房臈草

黃鶴樓

對酒忽不樂言尋黃鶴樓乾坤元氣合今古大江流詞

客終相妒神仙安可求何當攜玉笛吹散故園愁

同上

國朝姚學棗字鏡塘歸安人嘉慶丙辰進士著有竹素齋遺詩

題陳大雲侍御重游黃鶴樓圖

謫仙曾擬碎高樓為妒崔詩歷上頭何似先生持使節

重經故土豁吟眸壬午典試粵西歸途登此雲山漠漠長天晚江漢

茫茫大地秋此去儻逢黃鶴在時方乞假歸還應騎向帝城

游本集

國朝宋湘字煥襄號芷灣嘉應州人嘉慶己未進士歷官湖北督糧道著有不易居齋集

黃鵠山志

卷九

藝文

三

退補齋藏板

黃鶴樓題壁

笛聲吹裂大江流天上星辰歷歷秋黃鶴白雲今夜別

美人香草古時愁我行何止半天下此去休論八督州

多少煙雲都過眼酒盃還置五湖頭沅湘耆舊集

國朝吳榮光字殿垣一字荷屋南海人嘉慶己未進士官湖南巡撫左遷四品京堂旋擢福建布政使

著有石雲山人詩稿

登黃鶴樓

好風吹送我登樓何事仙人不暫留雲影古今過鄂渚

江聲日夜走黃州極天波浪誰同濟異地烟花我欲愁

西去荆門開戰壘幾家漁網夕陽收

我欲仙人跨鶴回手吹玉笛暮雲開依然城郭三春日

如此江山幾代才鸚鵡洲荒名士盡桃花宮冷美人哀

惟餘大別山頭月照徹滄桑夜夜來 本集

國朝陶

澍

字子霖號雲汀安化人嘉慶庚申舉人壬戌進士翰林院編修官至兩江總督卒諡文毅贈太子太保人祀賢良祠著有陶文毅公全集

舟至江夏

洞庭片席乘風下放眼蒼茫快此行雨氣欲沈雲夢澤

江聲直上武昌城濛濛芳草洲邊合歷歷青山閣外橫

黃鵠山志

卷九

藝文

三

退補齋藏板

便合攜壺黃鵠岸登樓一嘯一杯傾 本集

重登黃鶴樓

又趁湖天萬里晴落帆高上武昌城乾坤不老風雲色

今古長流江漢聲山對鳳凰猶在眼波翻鷗鷺舊同盟

紅闌十二吟題徧誰識當時振策行 同上

鬪

張履信

字雲池一字復言湘潭人嘉慶辛酉舉人補邵陽訓導著有二雲書屋詩集

壬戌下第南歸登黃鶴樓感賦三首

昔人此地建高樓振策登臨最上頭雲鶴只今陳迹杳

風濤終古大江流遊仙有夢虛三島落木無邊下九秋

回首長安天萬里倚欄凝望不勝愁

文章契合豈無神振古仙才思不羣真賞一時逢太白

高名千古擅司勳晴川芳草猶依舊玉笛梅花可復聞

此日登臨空作賦茫茫百感對斜曛

軒窗面面俯虛空小憇招邀有道童萬里輪蹄行役倦

百年日月逝波同荆襄征戍巖烽火風雨鄉關滯雁鴻

樓上仙人應笑我到來底事去匆匆沅湘耆舊集

鬪蔡復午號仁蘭吳縣人嘉慶辛酉舉人

重登黃鶴樓

黃鶴山志

卷九

藝文

三五

退補齋藏板

六載羅平妖鳥鳴烽烟靖後此重經予己未自長沙歸正當教匪滋事

浮雲不盡長江白曉日仍銜大別青地控鄖襄連左輔

天迴楚粵接南溟憑闌欲撼梅花笛驚起蛟龍出水聽

蘭言集

鬪王慶麟字希仲一字時祥華亭人嘉慶癸酉舉人著有洞庭集

黃鶴樓圖

黃鶴樓高高無極黃鵠磯頭浪不息何代來游駕鶴賓

至今雲氣猶五色傳是當年荀叔偉早受壺符餐白石

絳雪丹成時未來蘋花谿上尋常憶登樓西望彩雲生

一物飄然墮其側賓主留歡出玉書黃紙新除上清職
臨風自整紫荷巾青絲角髻桃花色舉袂翩翩謝世人
戚友欲留留不得樓下兒童拍手笑雲中騏驎風生翼
昨日同游市井間今晨便領神仙伯烟霄瞬息杳無蹤
地上諸君萬古隔芳草萋萋自古今何年復下凌霄翻
本集

國朝
周

泗

字未詳重慶人諸生李雨村云泗詩從高白雲先生處探得頗有奇氣泗爲諸生時年纔弱冠授館土酋恃才玩侮後竟遇害鸚鵡梅花實先識也

黃鶴樓

九歲作

黃鵠山志

卷九

藝文

三

藏板
是補齋

吾蜀青蓮曾閣筆今朝黃口敢能詩長江日月滔滔去
大野風雲漠漠馳鸚鵡竟成才子恨梅花久斷玉人吹
徘徊閣影樓頭我全不思鄉淚已垂蜀雅

國朝

鍾令嘉

字守箴晚號甘茶老人江西餘干縣人贈君蔣堅室編修蔣士銓母著有柴車倦遊集

黃鶴樓

誰見鶴飛去神仙不再過招魂才士盡遺韻酒人多文
字風猶霸江山氣不磨南朝資鎖鑰天險究如何本集

黃鵠山志卷九

終

男宗廉校字

黃鶴山志卷十目錄

藝文 古今體詩

黃鶴樓

國朝 五十二人

王廷偉 一首

黃承吉 一首

姚觀閻 一首

鄧顯鶴 一首

喻文鏊 一首

程懷璟 一首

邵 塾 八首

謝 葵 五首

蔡顯原 一首

馬功儀 二首

黃鶴山志 卷十

目錄

劉 開 二首

吳清鵬 一首

黃 釗 一首

袁渭鐘 一首

吳文鏞 一首

周樂清 一首

楊季鸞 一首

官 文 一首

陳瑞琳 二首

宗稷辰 二首

徐 榮 一首

劉 涪 二首

張維屏 四首

彭崧毓 二首

方濬頤 一首

楊澤闓 一首

黃燮清 一首

樊 雨 一首

退補齋藏板

葉名灃 一首

張際亮 一首

張開霽 一首

徐瀛 一首

徐儒楠 一首

何國琛 二首

王柏心 二首

陳濬 二首

張炳堃 四首

伍肇齡 二首

釋量雲 一首

彭瑞毓 二首

李樹瀛 六首

車元春 五首

徐同善 一首

譚溥 二首

恭釗 二首

程之楨 十一首

黃鵠山志 卷十

目錄

二

退補齋
藏板

張杲 二首

胡志章 一首

陳建侯 一首

王家仕 一首

錢桂林 一首

胡鳳丹 三首

黃鵠山志卷十

永康胡鳳丹月樵編纂

藝文 古今體詩

國朝 王廷偉 字毅山太倉人嘉慶甲子明經官浙江石門知縣著有毅山詩集

黃鶴樓

未識蠶叢路先登黃鶴樓八窗三楚月半壁大江秋鞭

指晴川閣燈連杜若洲何人吹玉笛使我不勝愁 本集

國朝 黃承吉 字謙牧號春谷江都人嘉慶乙丑進士官廣西知縣著有夢陔堂詩集

登黃鶴樓

黃鵠山志 卷十 藝文 一 退補齋藏板

高影控城頭雄標壓郡樓風光全楚入春色大江流客

意空霄漢吾鄉自斗牛崔郎題筆處千古一羈愁 蘭言集

國朝 姚覲閻 字伍禎號卿門桐城人增貢生官兵部武庫司郎中

黃鶴樓和張竹樓太守韻

樓頭崔顥題詩處二十年來別楚遲終古白雲無盡意

何時黃鶴有歸期月明醜酒人千里花落橫江笛一枝

依舊汀洲自春色裙腰芳草綠離離 蘭言集

國朝 鄧顯鶴 字子立號湘皋新化人嘉慶庚午舉人官教諭著有南村草堂詩集

月夜陪座上韓樹屏先生登黃鶴樓

那能鶴背恣遨遊且向磯頭共泊舟老子興來乘月往
大江波靜際天流烽煙楚蜀新消後雨雪關河欲暮秋

滿眼窮閭無限感荆門郢樹不勝愁本集

國朝喻文鏊字石農黃梅人恩貢生竹谿縣教諭著有紅蕉山館詩集

王西園鴻典大令招飲黃鶴樓

木落江深鵝鷓哀江頭片月湧孤臺百年賓主同今夕

幾處悲歌對酒杯笛冷梅花隨鶴去潮吞大別捲秋來

橫空雁唳清霄迴九辨誰憐宋玉才臥園詩話

國朝程懷璟字玉農雲夢人官至布政使

黃鵠山志 卷十

藝文

一一

退補齋藏板

黃鶴樓

黃鶴自高翥往來人倚樓天光涵水氣山勢鎖江流詩

攔千年筆仙吹一笛秋梅花寒不落古韻訪磯頭臥園詩話

國朝邵 整字治塘四明人廩貢生著有治塘詩文集

黃鶴樓集唐句

昔人已乘白雲去崔顥兄事安期弟葛洪崔郾齋沐暫思同

靜室盧綸湖山翠欲結蒙籠杜牧眼前俗物關情少姚巖傑象

外煙霞有句通黃滔黃鶴樓中吹玉笛李白十洲三島逐仙

翁李商隱

此地空餘黃鶴樓崔顥江漢還繞石城流胡宿但留海外三

山宅王駕不羨人間萬戶侯胡曾蕩漾雲帆連楚峽杜牧微茫

煙樹向巴邱李山甫欲拈霜管題詩句郎士元崔顥題詩在

上頭李白

黃鶴一去不復返崔顥再來相見更無緣沈警門前山色能

深淺秦系林畔鶯聲似管絃張泌吳國地遙江接海韓偓洞庭

春盡水連天柳宗元颺輪送我登仙府韋蟾多被人呼作散

仙白居易

白雲千載空悠悠崔顥遙指白雲天際頭呂巖惟恨仙桃遲

黃鶴山志 卷十 藝文 三 退補齋藏板

結實李仲不如庭草解忘憂李建勳傷心自比籠中鶴元稹回

首更慚江上鷗趙嘏漢口夕陽飛鳥度劉長卿境非吾土倦

登樓杜甫

晴川歷歷漢陽樹崔顥古木惟多烏雀聲劉滄返照入江翻

石壁杜甫殘霞散綺映山城高駢芳樽細浪傾春醪溫庭筠紅

蠟香煙撲畫楹李白縱在人間爲第一歐陽詹不妨高處便

題名朱餘慶

芳草萋萋鸚鵡洲崔顥攜觴並上木蘭舟章碣簾前春色應

須惜岑參檻外長江空自流王勃黃鵠有心多不住李端白雲

何事欲相留劉長卿分明記得曾行處方鶴引神仙出月

遊李

日暮鄉關何處是崔顥行人猶念舊鄉關錢起川原繚繞浮

雲外盧綸臺榭參差積翠間薛逢遁跡豈勞登遠岫許忘名

何必入深山白居易惟教鶴探丹邱信褚載沈湮爲餐久駐

顏李

煙波江上使人愁崔顥愁殺煙波隱畫樓顧嶠山色遙連秦

樹晚韓翃水聲空傍漢宮秋鄭谷世間甲子須臾過許壺裏

乾坤只自由呂巖此地四時拋不得方應陪秉燭夜深遊

黃鶴山志

卷十

藝文

四

退補齋藏板

曹松

謝

葵字揚夫黃岡人嘉慶癸酉拔貢著有揚夫詩鈔

柏坪同年招遊黃鶴樓卽賦

古今一石才子建得八斗古今一枝筆獨在青蓮手自

從攔向黃鶴樓紛紛兒子不足數季常意氣何凌雲高

摘星辰懸兩肘幾從天半問黃鶴忘卻文偉是誰某拍

肩挹袖四五人雄文一一擬韓柳就中謝客興更豪狂

歌不必飲多酒時或填詞學柳七不肯讀書學歐九量

材自謂靈運翁清發又說宣城守得來奇句可驚人合

教太白再低首臨風高唱壁上詩虛無帝座能通否此樓不止百尺高俯瞰大江東去波濤走

本集

大風偕紫庭同年登黃鶴樓望江

白浪排半空勢欲挾江走一葉忽飛來起伏波中久傾側時見底蓬槳更何有性命等鴻毛鴻毛尚輕否旁觀坐歎息欲語還緘口

地以上皆水水以上皆天天水渾一色微微劃蒼煙鳥從煙雲出飛渡何翛然人生無羽翼心往足不前

我年過三十所歷皆坦途力薄膽未堅往往多疏虞壯

黃鶴山志

卷十

藝文

五

退補齋藏板

哉晉宗慤萬里能長驅修短不足計竟自忘江湖以此策勳名矯矯眞丈夫

風從空穴來遇物物皆損孤塔矗江邊微蕩波中影塔如啞然笑容容何太猛靜以鎮羣動於焉發深省迴首望同遊危坐衣冠整

同上

和周芸皋師雪後登黃鶴樓韻

大江盪胸臆殘雪煮茶紅幻影尙摹鵠新詩還印鴻神

仙霄漢近懷抱古今同欲擬梁園賦含豪矚遠空

萬瓦砌瓊玉紅霞流斷紅炊煙橫去鳥雪影戀歸鴻筆

攔肯相讓吟成難與同梅花飛已盡把笛寄遙空

同上

國朝

蔡顯原

字蒙泉香山人嘉慶丙子舉人大挑教諭著有銘心書屋詩鈔

黃鶴樓

黃鶴磯上黃鶴樓翼勢與青冥浮左挾洞庭右彭蠡
橫空東南五千里長江西下流滔滔岷山積雪飛銀濤
附庸漢水並東去蹴天浪與帆檣高欲雪不雪天乍暝
雲夢荒荒盪盪秋影西塞山前霜氣深黃軍浦上滄波迴
與誰鐵笛倚雲隈梅花吹落匡廬頂

本集

國朝

馬功儀

字棟原江甯人貢生

黃鶴山志

卷十

藝文

六

退補齋藏板

黃鶴樓用壁間韻

百鍊修成九轉丹靈珠慧劍共披肝幾人霄漢逢仙易
如此江山屬句難棗樹排雲蝴蝶睡梅花噴雪玉龍寒
我來逕欲乘風去一瓣心香薦石壇

蘭言集

李惠甫觀察招同人登黃鶴樓聽琴

飛樓縹緲蠹雲深碧漢清湘夜氣森千里舳艫排夏口
一天風月颯秋心山盤蛇徑爭趨壑人倚雕闌慶盃簪
重款危亭仙棗下暫拋鐵笛撫瑤琴

同上

國朝
劉

開

字明東一字孟塗又字方來桐城人諸生著有劉孟塗集

題樓

長江日夜爭東流勢合漢水吞中州蒼茫一片煙波色
齊赴雲中黃鶴樓樓中仙去已千秋白雲終古爲誰留
地臨南楚當空起人立西風最上頭濤聲忽湧蛟龍怒
寒煙隔斷漢陽渡欲題數字付南天只恐地下崔郎妒
崔郎縱妒何爲哉精靈久已歸山隈江天留此舊名勝
待人再展凌雲才左列麒麟之玉筆右陳鸚鵡之酒杯
銜杯舉筆對明月天風忽落座中來借問鶴飛幾時回
遨遊玉宇又金臺何不載將仙子返相與逐日鞭風雷

黃鶴山志

卷十

藝文

七

退補齋
藏板

坐使樓中顏色開興酣萬斛泉盡瀉上抗風騷下宋賈
壁上詩句胡爲者才名自昔推青蓮甘讓他人詩占先
世人才氣非謫仙乃欲琢句追前賢追前落後終何益
虛埽鸞箋劈素帛願公手挹江漢波一洗古今之陳迹
芳洲飄緲水澄清側身天末懷禰衡高才摧折秋風裏
芳草萋萋無限情武昌城外春煙綠樓上笛寒空斷續
不須更聽落梅花一夜春心滿江曲

孟塗前集

月夜重登黃鶴樓

黃鶴飛難覓碧天懸舊名樓空留有迹我見不勝情此

笛已千古何人聞一聲祇應江上月重照客心明

同上

國朝吳清鵬

字程九號西穀晚號笏菴浙江錢唐人嘉慶丁丑進士

殿試一甲第三名由翰林御史

歷官順天府府丞

著有笏菴詩集

和黃鶴樓詩

崔李不可作何人復此樓如聞玉笛弄令憶錦袍游渺

渺雲過渚蕭蕭月映洲惟應千載後猶是昔時秋

本集

國朝黃

釗

字穀生一字香鐵鎮平縣人嘉慶己卯舉人官內閣中書著有讀白華草堂詩鈔

登黃鶴樓

漢水自東流天光四面收乘雲空際想繫日古時愁才

黃鵠山志

卷十

藝文

八

退補齋藏板

子何嘗歇神仙似可求羽衣吹玉笛前夜夢黃州

集

國朝

袁渭鐘

字介菴丹徒人官梧州知府著有郵程吟草

登龜山望黃鶴樓

雄關遙指武昌門屹立危樓閱曉昏不識何人吹玉笛

梅花未落已銷魂

蘭言二集

國朝

吳文鎔

字號甄甫道光廣總督謚文節著有吳文節遺集

進士官湖

題黃芳谷

至棠

黃鶴延秋圖

江空樓矗壯且陡縮入生綃倩子久畫中幾輩寫詩人

叔度汪汪風雅首登樓上挹騎鶴仙遙向雲中爲拍手

浮邱結侶洪崖友詩成百篇酒一斗吟眸忽縱吟思深
睥睨塵寰皆下走翩然已欲凌虛空況復颯爽當秋風
蒲帆低曳天蒼茫雁行斜破煙冥濛秋色涵來波渺渺
秋稜瘦出山重重四圍貯入虛窗間一時得句恣豪雄
我來吹笛落梅裏披圖急欲相追從玉梯十丈拾級往
巨練一幅聲流洶對此鄙吝藉開拓雲夢八九吞諸胸
柔毫三寸一饒吻且隨詩虎與酒龍

本集

國朝

周樂清

字文泉海甯州人以父蔭由州判累官湖南山東知縣陞同知著有靜遠草堂集

黃鶴樓

黃鵠山志

卷十

藝文

九

退補齋藏板

明月渾無恙青山一色秋斯人久不作今我獨登樓蹟
認黃初舊身從碧落游舉杯酌狂士鸚鵡有荒洲

本集

國朝

楊季鸞

字紫卿甯遠人國子監生咸豐元年舉孝廉方正主講永州濂溪書院著有春星閣詩鈔

黃鶴樓

豈徒黃鶴乘雲去不見崔郎與謫仙今古登臨同悵望
後先憑弔一茫然但聞江上數聲笛吹落梅花何處邊
我欲飛觴盡高興醉呼明月照晴川

篤舊集

國朝

官

文

見卷六

題黃鶴樓

費公過此已昇仙百尺樓高海內傳鸚鵡洲連金口樹
晴川閣對漢江煙山河襟帶三分國翼軫星躔半壁天
千載白雲踪跡杳名流黃鶴鄂城邊敦教堂詩鈔

國朝陳瑞琳字九香羅田人貢生官河南府經歷有食古研齋詩集

十六夜偕陶范之金治張角山其英劉莘農天民

王子壽柏心舍弟竹坪兩玉登黃鶴樓望月

鳳凰山上月忽照鶴樓前萬古此明鏡團圓在碧天羽
衣何處笛白浪一江煙大醉向空嘯無人知謫仙本集

黃鶴樓獨坐得句柬熊兩溟國博丈士鵬

黃鶴山志 卷十 藝文 十 退補齋藏板

樓上仙人去不回樓前終古白雲堆無聊且作千秋想
有用方爲一代才斜日遠浮襄樹出大江橫截蜀山來

詩成欲寄純灣老浩浩天風又落梅本集

國朝宗稷辰字滌甫一字滌樓會稽人道光辛巳舉人官至山東運河道著有躬恥齋詩鈔

初登黃鶴樓

跨鶴羣真駕屢迴文禕仙去叔禕來瓊樓高處飛明月

玉笛聲中按落梅我欲排雲翔六翮誰還把酒酌重臺

勝區獨被回翁占孤負當年李與崔本集○按費禕字文偉荀瓌字叔偉

此作均作平聲似誤叶再考

登黃鶴樓有懷蔡黃樓已還荊州悵然寄別

一歲此重遊懷人獨上樓雲中望孤鶴江上繫扁舟久
與班生別難禁杜老愁七年回首迴詩夢在蠻州

曾讀雲中子荆南薦士書雲中薦君於光栗原分巡君才誰不識時

命竟何如家難悲初定尊甫令兄連年俱喪音郵望久疎寒天唳

歸雁渺渺目愁予同上

國朝徐榮原名鑑字南榮一字鐵孫漢軍正白旗人駐防廣州道光丙申進士官至福建汀漳龍道

未赴任卒於軍著有懷古田舍詩鈔

黃鶴樓放歌

黃鶴山志 卷十

藝文

十一

退補齋藏板

天蒼蒼雲浪浪八百里湖波渺茫英雄割據事反覆壁
赤洲青吁可傷陶庾風流又衰歇黃鶴一聲煙水長黑
貂之裘白接離我來欲和崔公詩菜傭屠酷盡白眼惟
有樓上回仙知勸我以酒我醉不能持授我以笛我懶
不能吹青天白日不覺遠仰視高空雲氣晚不知何意
戀紅塵璇室瑤房不思返前水後水相續流南樓月色
何悠悠詩情寂寞桃花廟書札荒唐橘樹洲君不見白
銅鞮中花滿頭漢江壘土成糟邱詩成擲筆水雲裂驚

破萬頃琉璃秋本集

國朝劉

涪

字孝長天門人嘉慶丙子舉人官教諭五上公車不第雄才博學閉鍵著書海內知名士

爭相見之著有雲中集

登黃鶴樓放歌贈別馬柏坪大令

鴻翼摧折龍門死孤舟來泊秋煙裏武昌何人識俊雄
 惟有吹笛之仙柏坪子吹笛仙人凌九霄尚有幻影留
 纖毫數百年來擅此地不減靈山法座高其上飛樓百
 尺亂雲日其下長江萬里生波濤此翁睡倒不復問焉
 知人世有二豪長嘯登樓開碧牖吞若雲夢者八九興
 發欲問費道人低眉不肯一開口神仙能鍊丹砂成黃
 黃鶴山志 卷十 藝文 十一 退補齋藏板

金不能分靈氣與土偶如此仙人安用哉邯鄲夢熟何
 時回久溷黃塵豈無累沒盡鞭霆逐電之奇材索莫無
 言舍之去走尋柏坪閉關處柏坪作吏屢摧藏意氣如
 前不可當縱談十二萬年事酣飲三千六百場王蔡都
 是入幕賓脫手千金贈故人解組蕭然只琴鶴朝衣典
 卻甘長貧故將軍恆不快意醉後難恕灞陵尉憶君天
 末爲君愁忽慢相逢心已慰英雄不遇終飛昇旦夕榮
 落何足計費仙或恐非眞仙仙者心清骨自異諛頌紛
 紛貼耳繁此中豈是久留地我若得道深入十洲三島

間安能復爲兒童刻畫作游戲柏坪聞此歎未終又聞
我當之江東慷慨氣欲成白虹海上釣鰲遠相寄君勿
蹉跎憂患中

本集

黃鶴歌送陳仲久

君昔探勝香爐峯腳踏片片青芙蓉歌成飛出雙白龍
豫章諸子盡傾倒至今秀色羅胸中歸來笑傲江城裏
高揖吾黨二三子黃州冲逸荆州豪走蝨其間奉牛耳
十上空隨計吏車羨君南訪武陵花我轅始南君又北
風流雲散天之涯司空持節臨天台妙選英翹幕府開

黃鶴山志

卷十

藝文

十三

是補齋藏板

得君雙眸炯巖電搜出東南金箭才千里飛瀑石梁落
八月驚潮海上來遊盡天下奇山水交盡天下奇男子
咳唾珠玉不自矜擁鼻行爲蒼生起黃鶴磯頭雪亂飛
樓上仙人橫笛吹我乘扁舟破巨浪仙人招手雲中歸
飲一斗歌一曲六逸不能如我狂三公不能使我屈送
君匹馬之長安朔風蕭蕭天苦寒舊遊憶我如相問萬
里滄波一釣竿

本集

張維屏

字子樹號南山番禺人道光壬午進士官黃梅知縣調補廣濟丁外艱歸服闋需次江西

以郡丞權知南康府事未一載乞歸年八十餘卒著有松心集

秋夜登黃鶴樓

萬古碧天月三秋黃鶴樓仙人不可見江水自東流玉
笛吹何處風帆去未休浮雲與孤客身世兩悠悠

本集

重登黃鶴樓

昔年樓上客天外忽飛來江水去不盡仙人安在哉晴
川芳草合鄂渚曉煙開回首動離思笛聲聞落梅

本集

黃鶴樓

仙人去後詞人去但見長江日夜流江上白雲應萬變
樓前黃鶴白千秋滄桑易使乾坤老風月難消今古愁

黃鶴山志

卷十

藝文

五

退補齋
藏板

惟有多情是春草年年新綠滿芳洲

本集

李藩張德助兩孝廉余楚闈分校所得士也是日

觴余於黃鶴樓卽席詩

頭陀寺外轉風輪鸚鵡洲邊幾度春一去仙乘何代鶴
十年吾是再來人滄桑過眼談塵劫雲水浮蹤悟客身

且喜提壺逢舊雨此間三醉亦前因

本集

彭崧毓

國朝

字于蕃號漁帆江夏人其先世溧陽人幕游
楚北僑居會城道光壬辰舉人乙未進士改

庶吉士散館知縣揀發雲南官至永昌府署
池西道乞歸現年七十二著有求是齋集

重建黃鶴樓落成有作

眼底居然突兀成雲窗霧瑣費經營鳳皇天半翔應下
蛟蜃江心見亦驚幕府不勤陶侃甃梯航爭識鄂州城
仙人比歲遊何處騎鶴歸來倍有情

不堪回首憶前遊風月依然聚一樓但使凌虛闕象緯

都難忘遠廢邊籌荆襄自古高飭建江漢於今順軌流

帆楫往來無慮險仗他雄傑壓潮頭 本集

國朝方溶頤 字子箴定遠人道光甲辰進士授編修現
官兩淮鹽運使著有二知軒詩鈔續鈔

黃鶴樓 用少陵韻聯句

神仙那在塵寰外 謙齋 狂士難留宇宙間 子巖 一笛梅花辭

黃鶴山志 卷十 藝文 五

漢渚 叔平 孤洲芳草怨荆山 燕昭 才生亂世終何補 謙羽 化

雲霄竟不還 箴 勝地於今息烽火 叔 高樓依舊峙津關

燕 本集

國朝 楊澤閻 一名潛字白民號石沔甯遠人道光甲午舉
人景山官學教習山東知縣著有石沔詩畧

登黃鶴樓題呂仙睡像

昔年夢到黃鶴樓大江東去雲西流置身天半俯無地

斗牛光激風颼颼騎鶴仙來拍掌笑兩人相隔千餘秋

朗吟飛去久不返年年湖畔多句留手把鷓鴣杓足踏

鸚鵡洲人生祇有消閒好為君吹笛空牢愁君不見邯

鄆枕洞庭舟霜寒一劍酒百榼昔日少年今白頭我飲
君當醉我詩君應酬世人於我既無與我於人世復奚
求笛聲吹罷梅花落波光月色相沈浮我時睡覺紅塵
際仙凡境界畫鴻溝欲插兩翅奮天表眼底紛紛無與
儔今年浪迹過湖口身閒如鶴輕如鷗飛夢縹緲高百
丈重來此地澄雙眸江城歲晚多風雪我方豪興君
勦句才氣空夸橫九州前有古人後作者誰能袖手窮
雕鏤氣吞江湖動星斗醉餘一夢六合周夢中來夢中休

黃鶴山志

卷十

藝文

六

退補齋藏板

仙乎仙乎抑夢爾茲樓萬載依山陬

本集

國朝黃燮清

字韻珊一字韻甫海鹽人道光乙未舉人官湖北松滋宜都知縣著有倚晴樓詩詞集

俞叟石庵老而健畫以二丈餘紙寫梅一本爲黃

鶴樓補壁乞予題之

江上老龍怒起蟄化作蟠柯勢騰擲墨鱗散落萬梅花
一夜東風滿雪壁高城俞叟老益健生無他好惟畫癖
解衣磅礴好意興縱筆淋漓動心魄紙二丈餘墨一斗
目無全牛矜腕力元章冬心高格韻若論雄奇或未敵
橫斜疏影妙入神來與江樓鬪日色此花不落春四時

一任仙人吹玉笛

本集

國朝樊

雨

字古香南昌人其先世浙江秀水人客遊南昌愛東湖之勝遂家焉著有五之草堂詩稿

登黃鶴樓

但聞仙人騎鶴去不見仙人騎鶴來仙人一去杳難覩
高樓十丈何雄哉平生不信神仙事楚水吳山恣遊戲
東西奔走豈憚勞風塵磨盡縱橫志偶上茲樓望太清
樓頭鐵笛無餘聲夕陽遠挂晴川樹白雲天上作煙霧
蜀風吹酒正未醒不見神仙獨來去

本集

國朝

葉名澧

字潤臣漢陽人道光丁酉舉人由內閣侍讀官浙江試用道著有敦夙好齋詩集

黃鶴山志

卷十

藝文

七

退補齋藏板

送人之武昌

明月烏啼黃鶴樓蕭蕭殘柳渚宮秋扁舟一笛橫江去
好趁西風下鄂州

國朝

張際亮

字亨甫一名亨輔建甯人道光乙未舉人著有松寥山人初集斐光堂稿南來詩錄

黃鶴樓

日落楚雲白天清江漢秋千帆出樊口萬里盡滄洲我
欲乘黃鶴重尋崔李游風塵更無地獨醉此高樓

篤舊集

國朝

張開霽

見卷七

登黃鶴樓

黃鶴歸來未有期，凭欄正值峭寒時。城頭雪色千帆映，江上梅花一笛吹。芳草空埋名士恨，晴川不入謫仙詩。客懷欲寄今何處，雲樹陰邊颺酒旗。

本集

國朝徐

瀛

字海年黃陂人道光戊戌進士翰林院庶吉士散館改廣東英德令累浙江温州嘉興知府被議左遷江西同知以年老乞歸今官候選道現年八十有二著有藤薇室詩文稿

夢遊黃鶴樓

仙人何時乘鶴來，黃鵠磯頭古城隈。一曲玉笛天地曉，酒樓酣飲三百杯。仙人何時乘鶴去，十洲三島不知處。萍蹤或似踏雪鴻，塵心不同沾泥絮。仙人已去此樓存。

黃鶴山志

卷十

藝文

六

退補齋藏板

窗前大江雪浪翻，千里山水一望盡。永奠南紀作屏藩，登臨好攜碧玉杖。羽翼飛騰扶搖上，俯視煙波兩茫茫。尚有詩人頻來往。

本集

國朝

徐儒楠

字香石，靳水人，諸生。著有望雲閣詩集。

登黃鶴樓

絕頂樓荒幾度秋，吹來鐵笛楚江頭。風清月朗邀紅友，江色湖光壓白鷗。四面雲煙通隴蜀，千年壁壘想曹劉。

青蓮畢竟非才子，崔顥題詩在上頭。

本集

國朝

何國琛

字白英，海甯人，道光辛丑進士。官湖北候補道，著有白英遺稿。

鄂城懷古

翼軫分躔枕上流
熊渠錫爵冠通侯
當年歌舞橫江出
是處樓臺載酒遊
龍角峰高天外削
虎頭雲起坐中收
興亡自昔無成局
畢竟英雄讓仲謀

舳艫千里已消沈
鍊板銅琶思不禁
黃鵠摩空春雨暝
白羊來下暮煙深
更無人物誇吳蜀
只有江山自古今
醉後獨看鸚鵡賦
一輪明月滌煩襟

本集

王柏心

國朝 字子壽 晚號適叟 監利人 道光甲辰進士 官刑部主事 以母老乞歸 主講荆南書院 著有樞言漆室 吟等編

黃鵠山志

卷十

藝文

九

退補齋藏板

舟望黃鵠樓時重建甫落成

高樓拔起倏崔嵬
傑構重收杞梓材
平楚江山隨鏡湧
中天闌檻倚雲開
三淪凶窟悲焦土
百戰湘軍挺異才
城郭人民還似昔
故應黃鶴再歸來

山城秋色俯蒼茫
天塹依然帶楚疆
自是清時銷戰伐
可無雄略固金湯
丹梯迴拓風雲氣
朱拱森垂翼軫芒
欲倚危闌愁極目
浮天何策靖懷襄

本集

陳

溶

國朝 字心泉 閩縣人 道光丁酉舉人 丁未進士 翰林院編修 官至湖北鹽法武昌道 著有心泉

詩鈔

鄂城懷古

錦帳牙旗據上游，雄藩形勝拱神州。雙流水滙雲濤壯，八字山分劍壁秋。半世勳名勞運甓，滿天風月快登樓。銅琶休唱江東曲，惹得周郎一顧愁。

楚澤行吟有瓣香，騷壇從古盛文章。禰衡作賦誇鸚鵡，崔顥題詩壓鳳凰。木葉亭邊山月小，梅花笛裏水風涼。仙人一去無消息，我輩登臨興更長。本集

張炳堃字鶴甫，號鹿仙，平湖人。道光庚子舉人。丁未進士。翰林院編修。現官湖北補用道。著有抱

山樓詩鈔

黃鵠山志

卷十

藝文

二十

退補齋藏板

鄂城懷古

舳艫千里勢方張，誰使曹瞞意沮傷。畢竟孫劉能得士，東風原不與興亡。

晉代衣冠久寂寥，欲將何物認前朝。南樓北渚都消歇，惟有城西柳萬條。

黃鵠磯頭載酒頻，江山如舊客愁新。龍洲一曲無人和，寂寞騷壇七百春。

宗臣遺像肅清高，借杜句詠胡文忠公祠日日靈風捲怒濤。為報

吳中殘寇盡寒泉，一菊薦溪毛。殘寇踞吳中是先帝與蓋臣彌留恨事湘鄉

使相挽文
忠句也

伍肇齡

字崧生臨邛人道光丁未進士翰林院編修

初至武昌上小宋中丞

昔聞黃鶴樓頭勝每憶風流在武昌况近登臨三五夜
肯辜歡笑百千觴庾公已約胡牀憩謝客猶留鄂渚旁
引領冰輪佳夕滿還攜玉笛縱清狂

余屢登黃鶴樓筱翁和詩以道氣二字貺余和之

三疊前韻

自從鐵笛來仙侶明月清風屬武昌逸興超騰思控鶴

黃鵠山志

卷十

藝文

三

是補齋藏板

奇情鬱勃快銜觴三庚大伏不知暑六甲靈飛儼在旁

一笑斯樓搥碎後未容崔顥減吾狂

煨惟遺故云

釋量雲

字蓮衣漢陽人工詩詞善書法卒年八十

鄂城懷古

形勝東南說武昌雄圖霸業幾稱王三家僅有楚人炬
九郡偏教吳氏強赤壁風流猶未歇西山亭館摠荒涼
今朝恰好團欒月共上城樓一眺將

國朝

彭瑞毓

字子嘉號薑畦江夏人其先世江蘇溧陽人幕游楚北遂家焉咸豐辛亥舉人壬子進士

二甲第一翰林院編修入直南書房同治間官雲南鹽法道年六十後歸居會垣著有賜

龍堂
詩稿

登黃鶴樓

春雨晚方霽春山面面開
茶煙依鶴去鈴鐵語風來
岸遠人都小碑殘字待猜
江聲與笛韻落盡嶺頭梅

本集

于蕃兄以鶴樓又見詩書盛恆山扇上且跋云持
示家弟因次韻奉寄

堪笑仙人跨鶴遊再遊應亦愧斯樓
空傳紫馭聞三扣不救紅羊展一籌
大別幾經迷漢渚長江依舊向東流
歸來未信滄桑事但恨扶筇雪滿頭

本集

黃鶴山志

卷十

藝文

三

退補齋
藏板

國朝
李樹瀛

見卷七

西歸不果夜登鶴樓

故鄉杳何處相憶路漫漫皓月當窗出
征人掩淚看江光千里碧秋色一樓寒
不作關山客誰知跋涉難

本集

登黃鶴樓四首

危樓百仞立嵯峨每到清秋輒數過
風雨半空排檻至江山千載閱人多
壁間題詠都陳迹客裏光陰感逝波
誰道謫仙曾擱筆我來偏欲倚欄歌

吳頭楚尾路如何東去茫茫萬頃波
截水舟輕浮似鶴

滿城山碧小於螺，夕陽臺閣當窗見。遠岫風雲拂檻過，直到夜闌看不厭。一天星斗浸秋河。

隔江山欲渡，江過奈此層樓。砥柱何蜀楚，帆檣金口下。東南天地水鄉多，洲邊芳草千年憾。笛裏梅花五月歌，愁絕畫欄憑弔處。幾朝宮殿鎖煙蘿。

檀板清箏唱奈何，樽前重聽雪兒歌。神仙愛向高樓住，風月端宜勝地多。千里河山供指顧，百年世事歎消磨。平生慣學嵇康懶，到此纔能幾度過。本集

曉過鶴樓兼訊堂兄曉樓及應耕雲周月峯來省

黃鵠山志

卷十

藝文

三

退補齋藏板

消息

飛雁高樓過影忙，晴川山色曉蒼蒼。朦朧煙樹迷金口，歷亂風帆下漢陽。清磬一聲黃葉寺，懷人千里白鷗鄉。茶棚酒幔添多少，又是清秋選佛場。本集

鬪

車元春

字竹君，儀徵人。咸豐時歲貢生。署江甯高涇縣訓導。著有蔗餘軒詩鈔。

登黃鶴樓故址有感

鵠磯扼江江怒吼，不使長江直東走。春撞搏擊聲成雷，倒擊驚濤奔夏口。我來一覽大江橫，石磴孤蟠千尺陡。樓前昔日駛戈船，越甲吳犀好身手。碧眼孫郎一再傳。

赤烏霸業今何有齊梁六代遞消沈倏忽浮雲變蒼狗
神仙從古好樓居玉笛梅花傳不朽莽莽紅羊劫火飛
春風不綠新蒲柳破瓦黏苔血戰餘女牆列戟烽煙後
卽今痛定撫瘡痕尙恐垂楊生左肘隣境兵譁餘氛未熄十年重
到感興衰舊游振觸空回首隔江傑閣對晴川晴川閣新落成
依舊煙嵐通戶牖手招黃鶴問前因願我鬢眉還記否
本集

黃鶴樓新修落成作詩以告來者

中原掃蕩煙塵空乾坤整頓欽膚功餘力江漢標仙蹤

黃鶴山志

卷十

藝文

十四

退補齋藏板

追摹宸翰光熊熊宮保爵相李秉節是邦鶴樓觀成故頌之 杗幹栝柏梓漆

桐蟠根錯節深山中輪囷磊砢靈秀鍾巖搜斫斷生蛟

龍九柯十匠勤磨礱經營相度倅般工四十八棟高崇

隆呼吸上與穹霄通老鶴一聲零露濃仙人來去蓬萊

宮排雲御氣光溟濛頃刻變幻窺何從回憶此樓摧兵

烽烈燄燒徹江波紅卽今啟闢荆榛叢浩劫纔銷心忡

忡刮楹達嚮牕玲瓏敢徒攬勝開心胸達官高吏訐謔

同大恢仁宇矜愚蒙慈航寶筏招哀鴻設局遣送散勇 苦無破

屋遮秋風帶牛佩犢人歸農熙熙皞皞登堯封樂民之

樂無終窮乃不負此梅花玉笛吹下碧簾櫳

本集

黃鶴樓次彭漁叟原韻

紫府丹黃未易成况於劫後苦經營
蟠空雕鸞天無際倒影魚龍浪不驚
依舊攀援爭捷足任誇雄秀稱江城
青蓮一去騷壇寂賴有新詩寄遠情

棟花風裏記曾游便抵神仙十二樓
大好憑軒談往事那容借箸運前籌
隔江樹遠青仍合排闥山多翠欲流
憐我登臨獨惆悵鄉關遙在海西頭

同上

和胡月樵都轉黃鶴樓落成原韻

黃鶴山志

卷十

藝文

三

退補齋藏板

金科玉律歌陽春江山文藻爭鮮新
青蓮擲筆公握筆拂袖不染元規塵
絲竹音諧叶匏土提唱騷壇建旗鼓
名臣觸處寓深心轉因豐樂思艱苦
此日蓬壺放鶴歸此時楹桷羨暈飛
幾輩壺觴延夕月幾人簾幙敞朝暉
朝暉夕月煙波淼無復鴉音空際擾
剝復循環一刹那機緘未許癡兒曉
公也恢恢智有餘流丸自昔止甌臠
凌滄搖嶽豪情遠獨立蒼茫一歎吁
吁嗟乎德裕籌邊眞有道置身百尺
元龍造先生峻望與樓齊憂盛危明
急須早憶我初登鄂渚山頽垣廢址
懶追攀卽今重展

好圖畫蘆雪蕭疏脫葉殷神仙度世來何暮下界蒼生

勞眷顧斯樓倘化千萬間大庇中澤哀鴻住時被水災難民露處

誰歎當軸宏遠謨螺旋百磴中縈紆陽侯肆虐怒未已

高原大阜成江湖江湖九月秋風起攜句問天天尺咫

氣吞吳楚浪花渾豔奪夔巫暮山紫砥柱中流稱此邦

憑軒汨汨聽飛涼驪珠獨得壓元白愧煞巴人下里腔

同上

國朝徐同善字子取一字公可號季鐵一號竹君漢軍正黃旗人駐防廣州著有小南海詩集

黃鶴樓

黃鶴山志 卷十

藝文

三

退補齋藏板

江樓玉笛倚雲吹黃鶴重來未可知洗盞無人能進酒

東流西日兩遲遲本集

國朝譚溥見卷七

過黃鶴樓廢址二首

皓月冷江風蛇山嘯鬼雄遺基空代謝招鶴問窮通謀

醉知何地興懷此鄂中神仙不可接搔首悵蒼穹

此地曾逢黃鶴仙樓高分據楚雲巔蛇山沽酒負良約

與王孝鳳約重遊未果襄水迴舟空昔緣萬古奇情銷漢月百年

清夢冷湖天問誰更撼江城笛吹落梅花何處邊本集

國朝
恭

釗

字仲勉號養泉滿洲正黃旗人由蔭生官戶部郎中授甘肅西甯道現官湖北候補道著
有酒五經
吟館詩草

黃鶴樓

江山蒼莽闢神宮樓閣巍峩接碧空時有天風起蘋末
每疑黃鶴在雲中晴川不斷煙波綠夕照曾經劫火紅
懷古論文最高處詩才崔李漫雌雄

極目雲帆錦繡程振衣濯足兩關情荆門遠近螺鬟岫
漢水東西犄角城桂露金莖流倒影梅花玉笛變新聲
元龍老去豪情減縱上江樓意氣平

黃鶴山志

卷十

藝文

七

退補齋
藏板

草長平蕪岸腳低城樓高與碧天齊祇今冠蓋臨江閣
終古帆檣泊石隄仙蹟往來湘水上游人瞻望洞庭西
乘風我欲窺雲漢安得凌霄百級梯 本集

國朝
程之楨 見卷七

七月既望偕春石笛樓仲雅三茂才登黃鶴樓酒

罷述懷六首

大江流不去終古此高樓浪打晴川閣風號鄂渚秋關
山千里共天地一尊浮試聽梅花曲飛鴻唳遠洲
宿雨江城霽登臨興有餘櫓聲金口驛潮信武昌魚玉

軫酬知己黃梁悟子虛樓中有盧生像白雲看不盡千載渺愁

予

蕭蕭木葉下莽莽夕陽屯天曠秋鳴鶴山寒夜叫猿乾
坤控巴蜀波浪沂荆門萬里浩無際憑闌一舉樽

峭峰層樹外秋色古亭中山鬼時吹火江豚忽拜風舳
艫消戰氣蘭茝弔孤忠悵望天涯客懷人此夜同

長嘯天風壯欄干北斗橫漢江一片月飛渡岳陽城老
子胡牀夢仙人鐵笛聲何當重九日攜手話平生

安期不我遇棗實老仙鄉且盡一杯酒高風千古狂問
黃鶴山志 卷十 藝文 三 退補齋藏板

天搔短髮拂袖落新霜賢宰籌飢溺蒼生壽可望時秋潦盛

亂後還鄂尋黃鶴樓故址

倚棹重尋鄂渚津夕陽高處幾堆塵傍城鬼哭聲皆楚
賣酒人家舊姓辛故老驚心看鬢雪戰場積血亂秋茵

江南多少樓臺好朱雀烏衣跡總陳

畫檻雕櫺俯大川峩峩百尺控蠻煙秦灰拉雜悲三戶
銅狄摩挲閱幾年始信古今多浩劫誰言天下有神仙

蒼茫玉笛知何處欲聽梅花已惘然

東征將帥肅龍旂日月江頭試鐵衣
兵氣尙橫威順塔戰帆仍下禹功磯
榛荒金爵殘碑少芾啄城烏落葉稀
記得倚闌話仙棗西門楊柳綠成圍

飲酒昔年樓上客黃壚今日半蒿萊
禰衡作賦年方盛季札還鄉意轉哀
月好不隨人散去江空恐誤鶴歸來
登高欲叩蒼天問再起乾坤作棟材

本集

重九日登黃鶴樓感賦

獵獵驚風拂做袍登樓試俯漢江濤
寒催彭蠡千帆迴

秋老衡陽一雁高城郭荒涼悲過客
朋儕零落怕題糕

黃鶴山志

卷十

藝文

五

是補齋藏板

傷心買得黃花釀醪爾詩豪並酒豪

本集

國朝

張

杲

見卷五

雪霽登樓及陪小鍾先生黃鶴樓之作二首

晚來新雪霽獨客下西樓遠樹嶺頭滅
長江天外流風

光異疇昔身世感浮漚佇望情何極
茫茫今古愁

本集

萬家日落上燈時過雨尋秋景益奇
樓閣倚天爭得勢

江山絕頂轉難詩鶴飛夏口乘雲早
雁怯衡陽作陣遲

玉笛梅花常結憶古懷一片有誰知

同上

國朝
胡志章

字稚楓安陸人優貢生官江蘇知縣改發安徽署和州知州

憶舊游行奉懷月樵都轉在皖卻寄

黃鶴樓前江水流黃鶴樓上仙人遊仙人騎鶴去不返
高樓矗立三千秋青山厯厯漢陽縣倒影江光如匹練
憶我登樓方少年酒酣題句呼青蓮卅年不歸今老矣
樓亦過眼空雲煙鸚鵡洲晴川樹都是平生夢遊處襟
上猶題傾蓋各卷中但有懷鄉賦江山文藻須人傑楚
國風騷仰前哲羨君三載駐襜帷可有芷蘭供采擷君
詩神骨濯冰雪君家世德光閎闊想見騷壇莅敦槃定
使羣材奉圭臬坐上清言字貫珠門前流水輪消鐵擁
黃鶴山志 卷十 藝文 三

退補齋藏板

鼻爭爲謝傅吟解頤又聽匡衡說君不見楚地茫茫橫
天下祇今三戶遺民寡但見青紅蜃結樓誰憐雲夢鴻
啓野持籌飲水知君才召父杜母期君來綠章早達通
明殿繡斧榮登御史臺人生久客思鄉里何況故鄉有
知己雁足頻傳錦字書豬肝那及蕤羹美仙人費文偉
詞客禰正平精爽萬古長如生我欲趁此江月明布帆
一葉秋風輕與君仙棗亭邊路共話傷今望古情

本集

國朝陳建侯

字仲耦閩縣人咸豐乙卯舉人現任德安府知府

黃鶴樓小飲月樵都轉以詩見贈奉和呈政

黃鶴高飛志千里燕雀樊籠安可擬江上何年化作磯

白石巖巖呼不起黃鶴樓在危城百雉居上游虎踞龍

蟠控九州舊時豪傑今安在披襟坐對湖山秋湖光山

色當樓好羣仙雜選來蓬島略分渾忘鷓鼠譏爭雄翻

似蠻觸討觥籌交錯聲模糊醉後狂歌擊唾壺昔人老

去黃鶴杳今我不樂胡爲乎酒闌人散日將夕楚水茫

茫楚山碧鸞箋一幅忽飛來幻作佳章紀陳迹不才強

欲和君詩愧乏江郎筆一枝枯腸芒角不敢出江上浮

雲那得知本集

黃鶴山志

卷十

藝文

三

退補齋藏板

國朝

王家仕

字信甫監利人柏心第三子穎悟過人有文名以太學生兩應鄉舉不得志得疾而沒年僅二十九士論惜之

登黃鶴樓

斜陽江樹渺無極鸚鵡年年芳草碧危闌俯瞰貌塵寰

隱約梅花橫玉笛畫棟凌虛跨彩虹般倅巧與神爲功

鳳翥龍騫出霄漢呼吸已覺太微通興廢有時淚暗灑

况復當時躡銅馬飄零三戶等晨星天邊黃鶴飛難下

廣亮陶公事偶然繁華電捲速江煙江山水藻煥仍新

東海近已桑爲田窟窟蛟宮迷漢水厝火積薪胡致此

眼前風景可憐朝乾坤莽蕩悲歌裏

本集

國朝

錢桂林

字香一號薊逸江夏人廩貢生候選訓導

初冬登鶴樓見題詠殆遍佳者寥寥戲書樓柱以

博噴飯

今我不樂登鶴樓坐看紅日銜山陬乾清坤夷絕纖翳
金碧照曜滄江流是時水落魚龍蟄沙際但見翔羣鷗
盪胸湖海斂豪氣舉目風景殊前游憶昔樓成當盛夏
招攜攬勝歡朋倚酒人一散各天末太息蹤跡如雲浮
何物過客偏好事紛紛疥壁不能休匏宜瓦奏互響答
黃鶴山志 卷十 藝文 三十一 長補齋藏板

國朝

胡鳳丹

黃鶴樓赴飲

丙寅八月五日涼風微扇江水不波牟皓升

嗣

龍 陳仲耦

建侯

兩太守招飲黃鶴樓之具美堂

李玉階

明暉

何芷舫

維健

楊笠生

儷珍

三觀察

均在坐王夢崧熙湘觀察因疾不至卽席賦贈

同人

我如倦鶴游天末一飲一啄討生活我本野鶴性未馴
翱翔江漢秋復春牟陳二公招鶴侶引我黃鶴樓頭看
鶴舞黃鶴一去幾千年賸有危樓矗高渚主人款客開
瓊筵鳳髓麟脂玉液泉一杯一杯互酬勸高談幽賞娛
羣賢謫仙才調冠千古萬丈文光誰與伍衡湘自昔爲
屏藩鶴有餘糧實天庾李玉階由湖南糧道晉署藩司維揚何遜鶴丰
姿水部改爲農部司今日持籌莫全楚挽粟飛芻裕度

黃鵠山志 卷十 藝文 三三 退補齋藏板

支何芷舁由戶部改官楚北現辦軍需局務吏部文章中郎隸淵源本出子

雲系清白傳家守四知與我同舟期共濟楊笠生工詩善隸王

子養鶴緱山隈籠中枯坐招不來餐粟不肥偏善病同

羣望鶴心徘徊謂王夢崧吁嗟乎羣鶴迴翔不常住一舉冲

霄來復去當年黃鶴樓中樓問鶴於今在何處斯樓浩

劫罹紅羊鶴不歸來樓亦荒世變滄桑百感集疑有老

鶴華表翔羣公仙骨如鶴清我不能飛復不鳴安得一

琴一鶴相與和聲競鳴盛但願絃歌比尸不聞風鶴聲

退補齋詩存

次稚楓舊游行原韻

樓上仙人第一流，仙人一去何人游。黃鶴不來玉笛咽，吹落梅花春復秋。江城如畫幾邦縣，武昌城外帆飛練。我來不是晉唐年，手持斗酒招青蓮。青蓮擱筆已千載，高樓灰燼埋荒煙。江東雲渭北樹，雙鯉迢迢渺何處。芳草天涯客不歸，靈光古殿人誰賦。郢中自昔鍾靈傑，况復君才超往哲。曹倉新架勤搜羅，宋豔班香恣采擷。我媿巴人君白雪，月旦當年互評閱。同時健者推延陵，今擁節旄昔陳臬。詩牌酒盞相招邀，如漆投膠磁引鐵。今

黃鵠山志

卷十

藝文

三

退補齋藏板

莊中丞前任安徽臬司時余與君先後游皖

別君容易見君難，項斯到處逢

人說君不見，往古來今盛名下。能雪虛聲蓋亦寡，豈無

游說傲王侯。那有勳名震朝野，江左夷吾天下才。一琴

一鶴翩然來，來暮紛歌皖。山麓去思遠，繫姑蘇臺。君初官江

蘇今改留皖省老驥雄心日千里，好憑肝膽酬知己。冰銜皎映

冰心清史才，詩才擅兩美。蒼茫吳水闊，縹緲楚山平。一

夜相思白髮生，贈我新詩照眼明。何以報之瓊瑤輕，樓

成寄語南飛鶴。黃鶴樓現已鳩工何日歸話平生情。同上

穎叔約張鹿仙劉魯汀陳伯雙及余游黃鶴樓時

將南歸行有日矣作此贈別

憶昔黃鶴馱君來江城五月梅花開今日黃鶴送君去
漢水湯湯流不住瀕行招我登高樓白蘋風起寥天秋
煙波浩渺莽無極乾坤俯仰生閒愁帆檣來去紛如織
對此難爲樓上客浮鷗空有萬里心飄泊爲家歸不得
看君指日乘長風吳淞東下何匆匆應須匏繫念吾黨
毋使目斷南飛鴻呼僮煮茶沁肺腑清談不辨誰賓主
坐中忽見斜陽頽天上何時德星聚君不見大別山小
別山山前柳色青可憐物猶如此不忍別爲君高詠河

黃鶴山志

卷十

藝文

三

退補齋
藏板

梁篇

同上

黃鶴山志卷十

終

男宗彥校字

